

太平寰宇記

第十二冊

太平筆字記

卷十二

太平寰宇記卷之四十二

河東道三

石州

忻州

憲州

石州

石州

昌化郡今理離石縣

禹貢冀州之域卽周并州之地戰國

初趙之離石邑後爲秦魏二國之境故史記云秦

伐趙取離石是也秦并天下爲太原郡地兩漢爲

西河郡地有南單于庭卽左國城前趙記云今離

石左國單于所徙庭是也晉惠帝以劉元海爲離

石都尉故元海起事于此後石勒改爲永石郡後

魏改爲離石鎮北齊初置懷政郡尋復爲離石鎮
天保三年于城內置西汾州因改離石爲昌化縣
後周建德六年改西汾州爲石州改昌化縣爲離
石縣隋大業二年又改爲離石郡唐武德元年改
爲石州五年置總管府管石北和北管東會嵐西
定六州貞觀二年廢都督府三年復置都督六年
又廢之天寶元年改爲昌化郡乾元元年復爲石
州

元領縣五

離石 臨泉 平夷 方山 定胡

州境

東西一百九十里

南北三百里

四至八到

東南至東京一千三百五十里

東南至西京一千九百里

西南至長安一千二百五十里

東至汾州一百六十里

正南微東至隰州二百五十里

西渡河至綏州二百三十里

北至嵐州二百九十里

東南至隰州二百九十里

西南至隰州石樓縣一百五十里

西北至嵐州二百三十五里

東北至太原府三百九十五里

戶

唐開元戶九千二百六十二

皇朝戶主三千九百一十二客二千四百二十七

風俗

同并州

人物

無

土產

胡女布 麝香 蜜 蠟燭 石英 松木 賦

麻布 龍鬚席

離石縣

八鄉

漢舊縣屬西河郡縣東北有離石水因取

爲名後漢末荒廢爲南單于庭左國城是此地魏
黃初三年復置後陷劉元海石勒改爲永石郡高
齊文宣帝于此置昌化縣屬懷政郡後周復爲離
石屬石州隋唐不改 盧城在縣東二十里晉并
州刺史劉琨所築以攻劉曜 胡公山在邑界
離石山今名赤洪嶺在縣西五十步又云離石水
今名赤洪水東北從方山縣界流入北齊高歡大

破余朱兆於赤洪岡卽此水之岸也

臨泉縣

西北一百七十里五鄉

本漢離石縣地後周大象元年

于此置烏突郡烏突縣隋開皇元年改烏突郡爲太和郡烏突縣爲太和縣三年廢郡以縣屬石州唐武德三年改太和爲臨泉 臨泉水在縣北一百步縣因此水爲名 黃河在縣北二十里自嵐州合河縣西南流來

平夷縣

南五十里六鄉

本漢離石縣地屬西河郡後周大象

元年割離石縣西五十一里置平夷縣屬石州

黃河西去縣一百四十五里

寧鄉水在縣西南

一百五十步

方山縣

北九十
里六鄉

本漢離石縣地北齊天保三年於離

石縣北六十八里置良泉縣唐武德二年移就隋

廢方山縣城并置方州至三年省州縣依舊置貞

觀十一年又移縣就今理三角戍在縣北七十

三里赤洪水源出縣東流入離石界

定胡縣

西九十
里五鄉

本漢離石縣地屬西河郡後周大象

元年于此置定胡縣及置定胡郡在今縣西隋以

其地阨險固置孟門關唐武德三年于此置西定

州貞觀二年廢州置孟門縣七年又廢縣爲孟門

鎮八年廢鎮復為定胡縣 湫水冀州圖云湫水
河北從樓煩郡南入龍泉郡經呂梁尸子云呂梁
未闢河出孟門為二呂梁在離石北以東可三十
餘里 孟門關在今縣西百步周大象元年于此
置孟門津隋開皇六年改曰孟門關在黃河東岸
黃河去縣西二百步

忻州

忻州定襄郡今理秀容縣古并州之域春秋時為晉國戰國為
趙地秦為太原郡地今州即漢太原郡之陽曲地
黃河千里一曲此當曲之陽故曰陽曲後漢末于

今州地置新興郡按土地十三州志云漢末大亂
匈奴侵邊自定襄以西盡雲中鴈門之間遂空建
安中曹操集荒郡之戶以爲縣聚之九原界以立
新興郡領九原等縣屬并州卽此地後魏書云天
平二年置肆州寄理秀容城領靈邱等八縣後周
武帝徙肆州于鴈門郡至隋初復立新興郡及雲
州開皇十八年改爲忻州取界內忻川水爲名至
煬帝初廢忻雲二州以其地屬樓煩定襄二郡隋
末爲樓煩郡之秀容縣義旗初置新興郡領秀容
一縣唐武德元年改爲忻州四年又置定襄縣天

太平寰宇記卷之四十二
寶元年改爲定襄郡乾元元年復爲忻州定襄者
以漢有定襄城爲名按河東記漢之定襄今朔州
是也

元領縣二

秀容 定襄

州境

東西一百四十五里 南北八十六里

四至八到

東南至東京約一千五百里

東至西京一千七十里

西南至長安一千四百四十里

東至代州界一百九十里

南至太原府一百八十里

西至嵐州二百四十里

北至代州二百五十里

東南至太原府界一百二十里

西南至太原府及嵐州兩界各一百二十里

西北至嵐州界一百一十里

東北至代州界一百一十里

戶

唐開元戶一萬四千四百三十八

皇朝戶主四千一百六十八客三千二百四十

風俗

同蔚州

人物

秦秀

新興雲中人學
行忠直知名

劉殷

新興人祖母思堇冬
日視地忽生堇焉夢

人曰西籬下有粟十
五鍾銘曰七年粟

土產

麝香

貢

豹尾

貢

扇

賦麻布

秀容縣

元十
八鄉

本漢陽曲縣地屬太原郡後漢末於此

置九原縣屬新興郡後魏莊帝于今縣東十里置

平寇縣隋開皇十八年于此置忻州又于今縣西北五十里秀容故城移後魏明元所置秀容縣於今理屬忻州 程侯山一名金山在縣西北三十里水經注云忻水東歷程侯山北山甚層銳其下舊有採金處俗謂之金山 繫舟山堯遭洪水繫舟于此在縣南四十里 大白馬山在縣西南四十五里連小白馬山 雲母山一名獨擔山在縣西十五里其山出雲母山上有穴入四五里出玉芝唐貞觀十八年勅使薛遵度採雲母玉芝于此山 忻川水在縣東三十二里水經注云潞沁

南歷忻中口俯會忻川水水出西管涔東山也

藍水經秀容界 肆盧川水今名雲中水一名分

嶺水

定襄縣

東四十五里
元十一鄉

本漢陽曲縣屬太原郡在河曲

之陽故曰陽曲後漢末移陽曲縣于并州太原縣

界仍于此置定襄縣屬新興郡高齊省武成帝移

平寇縣于此隋開皇十八年移平寇縣于崞

音郭城

今代州崞縣是也唐武德四年分秀容縣于漢陽

曲城重置定襄縣 聖阜今名聖人山在縣東北

二十里石上手足跡猶存 滹沱水西自秀容縣

界流入 三會水水經注云三會水出九原縣西
東流入滹沱水經定襄界 梁城東魏郡也 蒲
子後魏縣也 石嶺關甚險固

憲州

憲州

今理樓煩縣

舊樓煩監牧也元隸隴右節度使至德

後屬內飛龍使舊樓煩監牧嵐州刺史兼理貞元
十五年楊銖爲監牧使遂專領監司不係州司龍
紀元年太原李克用爲晉王時奏置憲州於樓煩
監其樓煩開元四年王毛仲所築

元領縣三